



Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018

## **Su castigu de Malispina po su malu coru.**

Una borta in Tula ddoi fiat unu certu Malispina chi teniat una richesa chi fadiat spantai, ma po sa beridadi fiat susuncu meda.

Festus in su tempus de sa messa e teniant totus su trigu messau, ma s'annu fiat annada mala po su trigu e ddoi fiat sa carestia e po cussu motivu nci fiat poberesa meda. Ma sigomenti totu sa bidda sciant ca Malispina fiat arricu meda, is pòberus andànt a ddi periri sa limùsina, ma issu non donàt nudda a nemus e nci-ddus bogàt de mala manera.

Una diri fiat passau inni unu pòberu chi fiat Gesùs Cristu travestiu e iat nau a Malispina:

- Fadei-mì sa limusina, su chi boleis, a su mancu unu biculeddu de pani o unu pagu de trigu;

Ma Malispina cun s'arrogàntzia chi teniat dd'iat arraspustu:

- Su trigu mi-dd'apu traballau de u e mi-dd'ollu gosai de u;

E Gesùs cun sa santa passièntzia iat abasciau sa conca e si-ndi fiat andau a frigi.

Ecu chi fiat arribau su tempus de semina is terrenus e Malaspina iat ghetau sèmini meda, ma cusu trigu invecis de nasci trigu matessi fiat nàsciu spina. E de sa diri cussu terrenu iat pigau su nòmini de Malispina. E fintzas candu si bolit nai ca unu est malu meda si narat:

- Tui ses malu chi Malaspina.

## **Su contu e su tiàulu e de Nostra Sennora.**

Una borta nostra Sennora est passada me in Santu Ghìrigu (San Quirico in su Comune de Buddusò) po andai a crèsia. Cand'est andada a crèsia at atobiau su tiàulu. Issu dd'at fata is

corrus ma Nostra Sennora s'est fata su sinnu de sa Gruxi e intzandus su tiàulu s'est fuiu tzerriendi.

Candu Nostra Sennora est passada at lassau s'imprenta de su pei ma su tiàulu est passau torra e at fatu unu cucurumeddu e cun is corrus at fatu unu fossu acanta de s'imprenta de is peis de Nostra Sennora.

S'imprenta de Nostra Sennora e su fossu fatu de is corrus de su tiàulu ddoi funt ancora oi e candu si passat tocat a nci ghetai una pedra in su fossu de su tiàulu e basai s'imprenta de su pei de Nostra Sennora.